



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:02-49-1-1659-11/18

Datum: 29.06.2018.godine

Na osnovu člana 70. stav 1. i stav 6. a u vezi sa članom 69. stav 2. tačka e) Zakona o javnim nabavkama Bosne i Hercegovine ("Službeni glasnik BiH", broj: 39/14), Općinski načelnik, donosi:

**ODLUKU**

poništenju postupka javne nabavke

**I**

Poništava se postupak javne nabavke radova, "Izgradnja vodovoda u Džemilić Planjama I Faza" koji je objavljen na Portalu javnih nabavki dana 07.06.2018.godine pod brojem: 375-1-3-142-3-54/18.

**II**

Ova Odluka stupa na snagu danom donošenja.

**III**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke radova, "Izgradnja vodovoda u Džemilić Planjama I Faza" pokrenut je Odlukom o pokretanju postupka broj:02-49-1-1659-2/18 od 06.06.2018.godine. Odabran je konkurentski zahtjev za dostavu ponuda, koji je objavljen na Portalu javnih nabavki dana 07.06.2018.godine pod brojem: 375-1-3-142-3-54/18, procijenjena vrijednost javne nabavke bez PDV-a je 51.282,00 KM a kriterij za dodjelu ugovora je najniža cijena.

U ostavljenom roku za dostavu ponuda pristigla je jedna ponuda i to ponuda AB-TRANS doo Tešanj.

Komisija za javne nabavke imenovana rješenjem Općinskog Načelnika broj: 02-49-1-1659-5/18 od 18.06.2018.godine izvršila je dana 22.06.2018.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristigle ponuda, te ustanovila da je ista formalno ispravne.

Kako je tenderskom dokumentacijom predviđena E-aukcija a budući da ima samo jedna ponuda istu po zakonu nije moguće provesti.

Kako je ponuđena cijena ponuđača u ponudi veća za cca. 29% od procijenjene vrijednosti javne nabavke (procijenjena vrijednost javne nabavke je 51.282,00 KM) to je komisija od Općinskog načelnika aktom od 25.06.2018.godine, zatražila da ukoliko postoji mogućnost namirenja iz budžeta sredstava u iznosu od 21.236,93KM, da Općinski načelnik da saglasnost za nastavak postupka i izbor izvođača ili da ide na poništenje postupka javne nabavke. Na ponuđeni prijedlog da se namire nedostajuća sredstva i zaključi ugovor Općinski načelnik nije dao saglasnost nego je prihvatio opciju da se ide na poništenje postupka javne nabavke.

Zapisnikom o pregledu i ocjeni ponuda broj:02-49-1-1659-10/18 od 28.06.2018.godine Komisija je u skladu sa članom 69. stav 2. tačka e) Zakona o javnim nabavkama preporučila ugovornom organu da poništi postupak javne nabavke radova "Izgradnja vodovoda u Džemilić Planjama I Faza", jer je cijena prihvatljive ponude znatno veće od osiguranih sredstava za predmetnu nabavku, naime procijenjena

vrijednost javne nabavke a samim tim i osigurana sredstva za istu su 51.282,00KMKM, a ponuda AB-TRANS doo Tešanj je 72.518,93KM bez PDV-a.

Uzimajući u obzir sve navedeno odnosno imajući u vidu činjenicu da ni jedna ponuda nije prihvatljiva jer su cijene svih prihvatljivih ponuda znatno veće od osiguranih sredstava za predmetnu nabavku, to je primjenom člana 69. stav 1. tačka b) i stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14) odlučeno kao u dispozitivu ove Odluke.

**Pouka o pravnom lijeku:** Žalba na Odluku o poništenju postupka javne nabavke izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

**DOSTAVLJENO:**

1. Ponuđači,
2. Služba za društvene djelatnosti i investicije,
3. Web stranica Općine Tešanj, elektronski
3. Predmet.

*Huskić*



**OPĆINSKI NAČELNIK**

**Mr.sci. Suad Huskić**